



**ՆԱՅԱՍՏԱՆԻ ՆԱԽԱՊԵՏՈՒԹՅԱՆ ՍԱՆՄԱՆԱԴՐԱԿԱՆ ԴԱՏԱՐԱՆԻ ԹԻՎ 1 ԴԱՏԱԿԱՆ ԿԱԶՄ
Ո Ր Ո Շ ՈՒ Մ**

ԱՆՆԱՏԱԿԱՆ ԴԻՄՈՒՄՈՎ ԳՈՐԾԸ ՔՆՆՈՒԹՅԱՆ ԸՆԴՈՒՆԵԼՈՒ ՄԱՍԻՆ

Քաղ. Երևան

28 հուլիսի 2011թ.

Նայաստանի Նանրապետության սահմանադրական դատարանի
թիվ 1 դատական կազմը՝

Նախագահությամբ՝ Վ. Նովհաննիսյանի
Անդամակցությամբ՝ Վ. Պողոսյանի
Ա. Խաչատրյանի

Ուսումնասիրելով քաղաքացի Արմեն Խառապյանի անհատական դիմումով
գործը քննության ընդունելու մասին հարցը,

ՊԱՐԶԵՑ.

Նամաձայն ՆՏ Սահմանադրության 101-րդ հոդվածի 1-ին մասի 6-րդ կետի՝
քաղաքացի Արմեն Խառապյանը 20. 07. 2011թ. դիմել է ՆՏ սահմանադրական դատարան՝
խնդրելով «ՆՏ Սահմանադրության 1-ին հոդվածին հակասող և անվավեր ճանաչել
«Դատական ծառայության մասին» ՆՏ օրենքի 14-րդ հոդվածի 3-րդ մասի 4-րդ ենթակետի
դրույթները կամ հակասող և անվավեր ճանաչել՝ ՆՏ Սահմանադրության 18-րդ հոդվածին,

19-րդ հոդվածին /1-ին մաս/, 94, 97-րդ հոդվածներին՝ իրավակիրառական պրակտիկայի կողմից դրանց փրկված մեկնաբանության շրջանակներում»:

Դիմողը պնդում է, որ «Դատական ծառայության մասին» ՆՏ օրենքով դատական իշխանությունում պետական ծառայության փարբեր ամրագրելով՝ օրենսդիրը միաժամանակ պետք է այդ իրավակարգավորումներով չխախտեր դատավորի անկախության երաշխիքները, քանի որ դատական համակարգն իշխանության ինքնուրույն ճյուղ է: Ելնելով այս հիմնարար մոտեցումից՝ օրենսդիրը պետք է փարանջատեր «դատավորին կցված» և «դատավորին չկցված» հասկացությունները և առաջինի փակ ընկնող պետական ծառայողներին աշխատանքի ընդունելու և աշխատանքից ազատելու հարցերում թույլատրեր դատավորի միջամտությունը, որը պետք է նպատակ հետապնդեր ապահովել, որպեսզի դատավորն իր սեփական հայեցողությամբ իր ռեսուրսները կարգավորելու որոշակի ազատություն ունենա: Նաշվի առնելով, որ դատավորի օգնականի գործափուն համարվում է դատական դեպարտամենտը, օրենսդիրը դատական ծառայողների որոշակի խմբի նկատմամբ դրսևորել է փարբերակված մոտեցում, որի նպատակը պետք է լիներ փոխհավասարակշռել դատական դեպարտամենտի գործառույթները դատավորի գործառույթների և լիազորությունների շրջանակի հետ:

Դիմողը նաև գրնում է, որ եթե անգամ օրենսդիրը խնդրո առարկա դրույթներով նպատակ է հետապնդել այնպիսի իրավակարգավորումներ փալ, որոնք կապահովեն դատավորի ներքին անկախության և ինքնուրույնության երաշխիքները, այդ դրույթները չեն ձևակերպվել բավարար հստակությամբ, որպեսզի հենց այդպես էլ ընկալվեն:

Ելնելով դիմումի եւ կից փաստաթղթերի ուսումնասիրությունից եւ ղեկավարվելով «Սահմանադրական դատարանի մասին» ՆՏ օրենքի 32-րդ եւ 69-րդ հոդվածների պահանջներով՝ դատական կազմը գրնում է, որ դիմումը ենթակա է ընդունման, քանի որ՝

- դիմումում առաջադրված հարցերը ենթակա են սահմանադրական դատարանին,
- դիմողն իրավասու է դիմել սահմանադրական դատարան,
- դիմումում առաջադրված հարցի վերաբերյալ առկա չէ սահմանադրական դատարանի որոշում,
- դիմումի առարկայի վերաբերյալ այլ դիմումի հիման վրա սահմանադրական դատարանում գործի դատաքննություն չի իրականացվում,
- դիմողն սպառել է դատական պաշտպանության բոլոր միջոցները:

Ղեկավարվելով «Սահմանադրական դատարանի մասին» ՀՀ օրենքի 27-րդ հոդվածի 3-րդ մասով, 31-րդ, 69-րդ հոդվածներով, ՀՀ սահմանադրական դատարանի կանոնակարգի 26-րդ հոդվածով՝ ՀՀ սահմանադրական դատարանի թիվ 1 դարական կազմը

Ո Ր Ո Շ Ե Ց.

1. Քաղաքացի Արմեն Խառապյանի անհարական դիմումով գործն ընդունել քննության՝ «Դատական ծառայության մասին» ՀՀ օրենքի 14-րդ հոդվածի 3-րդ մասի 4-րդ ենթակետի դրույթների սահմանադրականության հարցը որոշելու առումով:

2. Սույն գործով դատավարությանը որպես պարասխանող կողմ ներգրավել ՀՀ Ազգային ժողովին:

Նախագահող՝

Անդամներ՝



28 հուլիսի 2011 թվականի
ՍԴԴԿՈ/1-19